



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 92. Scoti in Reginam suam conspirantes.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI.

§. XCII.

A.C. 1567.

Scoti in Reginam suam conspirantes.

Thuan. l. 40.

Nec majori tranquillitate Scotiæ Regnum fruebatur, quippe Jacobi Heburni Botwelii Comitis ambitio, ac Mariæ Stuartæ aversio a Rege Marito suo ibidem ingentes concitabat tumultus, quorum victima ceciderat Rex a ficariis in suo lecto faucibus compressis strangulatus: equidem ad occultandum scelus Regis ædes subjecti pulveris vi in aera raptabantur: ast exinde nec populo, nec Proceribus Regi suo propensius violentæ cædis suspicio adimi potuit: non deerant etiam, qui Mariam criminis consciam crederent ex eo, quod studiose in reos inquirere neglexisset: insuper augebantur hi rumores, eoquod ipsa Botvelio nupsisset, unde quascunque demum rationes ad excusandas hæc nuptias protulerat, nihilominus nec ex populi sui, nec etiam exterorum mentibus funestam suspicionem delere poterat, quam tot insolitæ ipsius agendi rationes omnium animis impresserant: itaque Scotiæ Proceres, quos ejusmodi fata præcipue tangebant, ad-

versus

quamprimum autem hæresis invaluit, mox Regum, ac Principum securitas ablata, & Regnorum felicitas amissa est.

Sæcul. XVI.
A. C. 1567.

versus Regis sui homicidam, quo nomine appellitabant Botvelium, conjurant, sumptisque armis exercitum in aciem educunt, adversus quos Regina vicissim cum suis copiis progreditur: ast spe freta, se ab hisce fœderatis Proceribus debita reverentia exceptum iri, imprudentius eorum castra accedit, ubi illi eam capiunt, & veluti in partæ victoriæ trophæum Edimburgum abstrahunt, quoddam præferentes vexillum, in quo Rex mortuus erat depictus. Postea lata in Procerum comitiis sententia Regina detinebatur capta, instructisque judicii actis Botvelius Comes tanquam Regii homicidii reus morti adjudicabatur, qui tamen extra Regnum profugus sese supplicio subduxit.

Demum conjurati Reginam vi compellebant, ut supremam Regni auctoritatem Filio suo cederet, illius vero administrationem, quibuscunque vellet, Proceribus traderet. Annuit huic propositioni Regina, quæ Regni Rectorem nominabat Murræum Comitem in Galliis agentem, ubi se post Reginæ captivitatem illico receperat, ut eorum, quæ contra ipsam attentarentur, haud conscius esse crederetur, quamvis nihil in eam violentius agi posse, sibi persuasum haberet: itaque Maria, priusquam solium abdicaret, li-

Hist. Eccles. Tom. XLVIII. L. teris

Sæcul. XVI
A.C. 1567

teris fide publica munitis, clam tamen, adversus hanc cessionem vi, ex subditorum suorum petulantia extortam reclamabat: nihilominus Anno Christi millesimo quingentesimo sexagesimo septimo die nona Julii Jacobus VI. Rex Scotiæ fuit proclamatus, donec vero Rex per ætatem capessendo Regno idoneus esset, Murræus in Proregem nominabatur (*).

§. XCIII.

(*) Tam atroces calumnias mere in Religionis Catholicæ odium Calvinistæ, ac Lutherani contra hanc piissimam Reginam excogitarunt, ut nullo unquam exemplo luculentius demonstrari valeat, quod hæresis duntaxat rebellione, calumniis, violentiis, mendaciis, rapinis, & cædibus stabiliri, ac propagari soleat: funestæ autem huic scænæ ubique, ac semper in Scotia proluserunt Calvinistæ, primasque huic Reginæ molestias creabat Arronius ex gente Hamiltoniorum Comes Calvini erroribus adhærens, atque a Calvinistis Gallis ad Mariam ab Anglico solio excludendam incitatus, quo autem turpiter deluso Calvinistæ incitabant Jacobum spurium Mariæ fratrem dictum Comitem Murravium, qui se per Mariæ nuptias cum Darlæo a spe regni exclusum dolens Reginam calumniis opprimebat, & cum Calvinistis suis arma ad-

versus